


JAVNO PREDUZEĆE «VODOVOD I KANALIZACIJA» d.o.o.
ZENICA
Direktor preduzeća

Broj: 101-2685/16 MS 
Zenica, 16.02.2016. godine

U skladu sa članom 100. stav 3. i član 69. stav 2. tačka d) Zakona o javnim nabavkama („Službeni glasnik BiH“, broj 39/14), a na osnovu člana 26. i 27. Statuta Javnog preduzeća «Vodovod i kanalizacija» d.o.o. Zenica, direktor Javnog preduzeća «Vodovod i kanalizacija» d.o.o. Zenica, postupajući po Rješenju žalbi ponuđača Almy d.o.o. Zenica, donosi

ODLUKU

o stavljanju van snage Odluke, broj: 101-2290/16 MS, od 10.02.2016. godine
i poništenju postupka nabavke goriva, objavljenog na portalu e-nabavki, dana 16.10.2015. godine,
pod brojem: 439-1-1298-3-51/15

I

Stavlja se van snage Odluka o stavljanju van snage Odluke o izboru najpovoljnijeg ponuđača broj: 101-899/16 HH od 25.01.2016.g. i zaključivanju ugovora za nabavku goriva sa drugorangiranim ponuđačem „HIFA- PETROL“ d.o.o. Sarajevo, donesena dana 10.02.2016. godine i protokolisana pod rednim brojem : 101-2290/16 MS.

II

Poništava se postupak javne nabavke, pokrenut je Odlukom o pokretanju postupka javne nabavke broj: 101-14396/15HK od 14.10.2015. godine, za nabavku goriva, putem otvorenog postupka objavljenog na portalu e-nabavki, dana 16.10.2015. godine, pod brojem: 439-1-1298-3-51/15.

III

Za izvršenje ove odluke zadužuje se Komisija za nabavke.

IV

Ova odluka stupa na snagu danom donošenja.

V

Ova Odluka objavit će se na web-stranici <http://www.vikze.ba/>.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-14396/15HK od 14.10.2015. godine, za nabavku goriva, putem otvorenog postupka objavljenog na portalu e-nabavki, dana 16.10.2015. godine, pod brojem: 439-1-1298-3-51/15.

Dana, 05.02.2016. godine drugorangirani ponuđač „HIFA-PETROL“ d.o.o. Sarajevo dostavio je Žalbu broj: JN455/16.

U predmetnoj žalbi, žalitelj navodi da su dana 27.01.2016. godine primili Odluku o izboru najpovoljnijeg ponuđača, broj: 101-899/16 od 25.01.2016. godine, kojom se ugovor dodjeljuje ponuđaču „ALMY“ d.o.o. Zenica. Žalitelj je dana 03.02.2016. godine izvršio uvid u ponude i konstatovao da ponuda ponuđača „Almy“ d.o.o. Zenica sadrži jedinične cijene izražene na sedam

decimala, iako je ugovorni organ propisao u dijelu d) tenderske dokumentacije podaci o ponudi da cijene trebaju biti izražene na šest decimala. Nadalje žalitelj konstatuje da je ponuđač „Almy“ d.o.o. Zenica dostavio obrazac za promjenu cijena (OPC) na kojem su navedene četiri benzinske pumpe i to: Pumpa Almy 1 Zenica na adresi Vrandučka bb; Pumpa Almy 2 Zenica na adresi Vrandučka – teretna, Pumpa Almy 1 Zavidovići na adresi Pinkasa Bandta, Pumpa Almy 1 Zenica (lož ulje) Poslovna zona Pečuj. Međutim u Izjavi o roku i mjestu isporuke ponuđač je naveo da posjeduje vlastitu pumpu na adresi Ričice bb, koja je udaljena do 5 km od sjedišta ugovornog organa. Na osnovu ovih činjenica žalitelj konstatuje da benzinska pumpa Ričice bb nije navedena u OPC niti u aktuelnom sudskom registru. Zbog svega navedenog žalitelj smatra da je ugovorni organ pogrešno i nepotpuno utvrdio činjenično stanje, te predlaže da ugovorni organ donese novu odluku ili rješenje.

Komisija je izvršila uvid u spornu ponudu te konstatovala da su navodi iz žalbe tačni, iako uočeni nedostaci suštinski nemaju nikakvog uticaja na ukupnu ponuđenu cijenu ponuđača „Almy“ d.o.o. Zenica, te je usvojio Žalbu ponuđača „HIFA-PETROL“ d.o.o. Sarajevo i dana, 10.02.2016. donio Odluku o o stavljanju van snage Odluke o izboru najpovoljnijeg ponuđača broj:101-899/16 HH od 25.01.2016.g. i zaključivanju ugovora za nabavku goriva sa drugorangiranim ponuđačem „ HIFA-PETROL“ d.o.o. Sarajevo, koja je kod ugovornog organa protokolisana pod rednim brojem 101-2290/16 MS.

Ponuđač „Almy“ d.o.o. Zenica je dana 12.02.2016.mgodine dostavio ugovornom organu žalbu na navedenu Odluku broj: 101- 2290/16 MS, u kojoj navodi da ponuđač „ HIFA PETROL“ d.o.o. Sarajevo u svojoj ponudi dostavio OPC obrazac samo za pumpu u ulici Aleja Šehida 20, dok u Izjavi, br: JN-40/K, na str.63 i obrascu o roku isporuke na str.67. navodi da će se isporuka goriva vršiti u ulici Aleja Šehida 20 i u ulici Zmaja od Bosne bb, iako za adresu Zmaja od Bosne nije dostavio OPC obrazac.

Komisija za javne nabavke je izvršila ponovni uvid u spornu ponudu te konstatovala da su navodi iz žalbe tačni, te predložila direktoru da se predmetni postupak poništi.

Cijeneći sve naprijed navedeno, ugovorni organ je konstatovala da su oba ponuđača koji su učestvovali u predmetnom postupku dostavili ponude u kojima nedostaje OPC obrazac za pumpe na kojima će se vršiti isporuka goriva, pa su time obje ponude formalno pravno neispravne, a kako osim navedena dva ponuđača više nije bilo prihvatljivih ponuda u postupku, ugovorni organ je odlučio kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a



DIREKTOR:

Kahriman Ekrem, dipl.ing.maš.